

Wenn de lütje Töffel slapen schall.

Slap, leiwe Junge, et is d'r von Tit,
Ligst mit'm Slape all lange in Strit;
Du most verspeelen, dat is nu mal sau,
Slapen kümmt all lütjen Kinderken tau.

Wenn se nich slapet, sau weert se nich grot,
Slapet se aver, sau mögt se öhr Brot.
Weeret denn dicke un weeret denn rund,
Ass man 'n Buer sau keerengesund.

Slap, leiwe Junge, ek heff nich feel Tit,
Mott in de Köken, süss brummet de Lüt',
Sin ek da fertig, sau kohm ek na dek,
Slap by'm Jungen, de Junge by mek.
